



### NE ODUSTAJTE OD SVOJIH SNOVA!

### NOVOSTI

**U subotu, 11.02.2017. godine, u prostorijama ASA Prevent grupacije održan je redovni mjeseci sastanak studenata – stipendista Fondacije Hastor. Kao i svaki drugi i ovaj sastanak je bio odlična prilika za naše stipendiste da se bolje upoznaju, razmijene svoja znanja i iskustva te nauče nešto novo.**

Smatramo da je motivacija jedan od ključnih faktora za napredovanje i usavršavanje. Ovo je jedan od razloga zbog kojeg se trudimo da naše stipendiste upoznajemo sa mladim, perspektivnim i nadasve uspješnim ljudima i njihovim inspirativnim životnim pričama. Primjer jedne takve uspješne osobe jeste i naš ovomjesečni predavač - Darko Savić. Trenutno najbolji bh. kajakaš, član Kajak-kanu kluba Vrbas i apsolvent na fakultetu Fizičkog vaspitanja i sporta u Banjoj Luci. Darko Savić se svojim uspjesima plasirao u sami vrh kajakaške „scene“ i spada među najuspješnije kajakaše svijeta.

Sa našim stipendistima je podijelio svoju životnu priču. Govorio je o samim začecima svoje karijere, kao i svim preprekama sa kojima se susreo na putu ka vrhu. Podrška države je izostala na samom početku, ali ga to nije obeshrabrilno i nastavio je dalje, hrabro i istrajno. Dok su njegove kolege na svjetskim prvenstvima odsjedale u najskupljim hotelima, Darko je spavao u svom šatoru i usprkos svemu tome nizao odlične rezultate. Sa nama je

podijelio utiske sa druženja sa stipendistima Fondacije Hastor, a našim stipendistima, kao i svim mladim ljudima u BiH, je poručio da ne odustaju i da budu istražni u ostvarivanju svojih snova.

„Prije svega dragoo mi je što sam imao priliku da upoznam divne i pametne ljude sa kojima će definitivno ostati u kontaktu. Sretan sam da su upravo oni budućnost BiH, a sa tom činjenicom svi mi možemo biti sigurni da nam država ostaje u pravim rukama. Ono što im ja mogu još reći, a to je da nikad ne odustaju od svojih snova. I kad u životu naiđu na neku prepreku neka znaju da je to samo takav put, poslije svega toga dolazi ono što su sanjali.“

Darko je dokaz da je put do zvijezda trnovit, ali dostižan. Mi mu želimo puno sreće i osvojenih medalja u nastavku karijere i radujemo se nekom novom, ponovnom druženju.

Emina Adilović



# POČEO DRUGI CIKLUS PROGRAMA TAKT AKADEMIJA:

## OBUKA I PRILIKA ZA ZAPOSLENJE U PERSPEKTIVNIM BH. INDUSTRIJAMA



Fondacija Hastor u saradnji sa ASA Prevent grupacijom, te uz podršku Ambasade Švicarske provodi TAKT koji će u narednih mjesec dana polaznicima pružiti znanje i vještine potrebne za rad u industrijama mode, tekstila, namještaja i automotiva. Program nudi sistematičan pristup prilagođavanja obrazovnog sistema potrebama tržišta rada i obuhvata programe za proizvodnju i upravljanje procesima. Ciljna skupina su maturanti srednjih stručnih/tehničkih/mješovitih škola i diplomanti fakulteta društvenih i tehničkih fakulteta.

„Nakon što je uspješno okončan prvi ciklus obuke za mlade lidere u autoindustriji otvorili smo novi poziv za polaznike drugog ciklusa. Prijavljene potrebe za kadrovima su raspoređene po stepenu stručne spreme, te su dodate osnovne informacije o kompetencijama potrebnima za obavljanje navedenih poslova. Kroz program će proći preko 70 polaznika koji će nakon toga dobiti priliku za zaposlenje u različitim oblastima ASA Prevent grupacije“ izjavio je Seid Fijuljanin, direktor Fondacije Hastor te dodao kako je ovo jedinstvena prilika za mlade da steknu konkurentne vještine na tržištu rada.

Tenaid Zukić, polaznik je prve generacije TAKT i danas je zaposlen na poziciji tehničkog projekt koordinatora u Prevent grupaciji. Zajedno sa kolegicom Selmom Špago koja je, također, nakon TAKT akademije dobila svoje prvo zaposlenje, obratio se budućim polaznicima. Oni su istakli važnost ovakve obuke u procesu pripreme za tržište rada te poručili budućim polaznicima da iskoriste priliku koju su dobili.

Adis Gljiva se na konkurs za TAKT akademiju prijavao drugi put, što po njegovim riječima puno govori o samoj motiviranosti da prođe kroz proces obuke. „Sretan sam što sam dobio priliku da proširim svoje praktično znanje i učim od nekih od najboljih stručnjaka iz oblasti industrijske proizvodnje. Vjerujem da će ova obuka doprinijeti mom daljem profesionalnom usavršavanju“ izjavio je Adis tokom ceremonije otvaranja Akademije.

TAKT akademija koristit će modernu metodologiju za obuku koja će se sastojati od teoretskog dijela predavanja od strane industrijskih eksperata te praktične nastave koja će se izvoditi na lokaciji potencijalnog poslodavca.


Emina Adilović



## STIPENDISTI

### ZERINA POLUTAK

"U životu ništa ne ide striktno po planu, ali dok živimo, snovi se razvijaju i sa nama ostvaruju"- kaže Zerina Polutak, studentica druge godine Germanistike u Sarajevu. Korijeni ljubavi prema njemačkom jeziku u njoj su još od malih nogu, a u budućnosti želi da se bavi svim što uključuje ovaj jezik, od profesorice do prevodioca. U slobodno vrijeme piše priče, pjesme, čita knjige, pomaže roditeljima i uči da kuha. Za Fondaciju Hastor saznaла је preko društvenih mreža i od prijatelja. Istiće da bez obzira na njene strahove prema obavezama koje stipendisti nose sa sobom, objeručke je prihvatile ovaj izazov.



### ALMEDINA SMAJLOVIĆ

Almedina Smajlović, devetnaestogodišnjakinja iz malog sela Solakovići, opštine Ilijaš. Živi sa roditeljima, bratom i njegovom porodicom. Odličnim uspjehom završila je Prvu gimnaziju, pa ju je ljubav prema jezicima odvela na anglistiku Filozofskog fakulteta u Sarajevu. Trenutno je druga godina. Voli sport, muziku i križaljke, a slobodno vrijeme provodi sa prijateljima. O Fondaciji Hastor najviše je slušala u društvu i bez obzira na jaku konkurenčiju i pretek kandidata, izabrana je da postane naš stipendista. Vjeruje u sebe i u svoje snove i ističe kako ništa nije nemoguće uz ispravno postavljene ciljeve.

### ADNA KARKEĽA

Adna Karkelja, student je treće godine Elektrotehničkog fakulteta u Sarajevu, smjer Računovodstvo i informatika. Od malena, osnovni dio njenog života bio je balet, latinoamerički, jazz i moderni ples. Još u osnovnoj školi počela je praviti blogove i web stranice i tu počinje ljubav prema programiranju. Zanima je dizajn, mobilne aplikacije i sve vrste interakcije sa korisnikom. Trenutno radi na mobilnoj aplikaciji koja za uslikanu fotografiju radi prepoznavanje vrste biljaka na osnovu teksture i oblika. S obzirom na težinu fakulteta i mnoštvo obaveza uvijek nađe vremena za ples. Kod Fondacije Hastor najviše voli što volontiranjem možemo utjecati na poboljšanje kvalitete života mladih. Pozitivno korača kroz život i veseli se budućnosti, u nadi da će većina mladih uspjeti u svojim snovima, kao što je ona uspjela.

Hanka Mujkić



## U POSJETI OLIMPIJSKOJ LJEPOTICI

Volonterski sastanci koje u skladu s pravilima Fondacije Hastor organizuju i provode studenti-stipendisti sa mlađim stipendistima, učenicima osnovnih i srednjih škola, su izuzetna prilika za druženje, razmjenu iskustava i interakciju između naših stipendista. Cilj ovih volonterskih sastanka je rad sa stipendistima-učenicima, razmjena ideja, doprinos razvoju lokalnih zajednica, te dijalog i rad na poboljšanju uspjeha naših učenika u školama.



Najvažnija komponenta volonterskih sastanaka su upravo druženja i širenje poznanstava. S tim ciljem, naši studenti nerijetko koriste priliku da se međusobno druže, zabave te da ujedno urade nešto korisno i pritom nauče nešto novo.

U našu redakciju stigao je izvještaj od stipendistice Melise Džindo, studentice Fakulteta za saobraćaj i komunikacije, koja je skupa sa Tesnim Karišik, Eminom Subašić i Muamerom Habibović i njihovom grupom učenika, svoj januarski volonterski sastanak iskoristila da posjeti našu olimpijsku ljepotici - Bjelašnicu.

*Bili smo oduševljeni čarima snježne ljepotine, uživali u zimskim radostima, sankali se i time se prisjetili ranog djetinjstva.*

Tokom predaha naše mentorice su sa svojim učenicima razgovarale o značaju samog volontiranja u Fondaciji Hastor i o tome koliko im ovi voloterski sastanci pomažu u školi, svakodnevnom djelovanju i ostalim segmentima života.

*Iskoristili smo priliku da otvorimo debatu o važnosti planina za očuvanje kvalitetnog života čovječanstva, te smo punim plućima udisali svježinu zraka na olimpijskoj ljepotici, gdje smo pobegli od zagušljive atmosfere u centru grada.*

Tokom druženja javila se ideja o posjeti Domu za nezbrinutu djecu Bjelave pa su se naše stipendistice ovom prilikom dogovorile da neki od sljedećih sastanaka iskoriste da posjeti i ovu ustanovu.

Džulisa Otuzbir


Ako želite obradovati sebe ili osobu koja je veliki ljubitelj knjiga možete lahko napraviti jedinstveni bookmark slijedeći instrukcije koje nam šalje naša stipendistica Sadžida Kosovac.

Da bi napravili bookmark potreban pribor i materijal su: makaze, ljepilo, linijar, olovka, bojice, skalpel i tanki karton.

Sadžida Kosovac

## Postupak pravljenja bookmark-a:

Na kartonu A4 formata napravite traku širine 5 cm i visine 21 cm i izrežite je.



1  
2  
3  
4



Nakon što sam nacrtala Pikachu-a obojila sam ga. Na svoj bookmark možete napisati i neki inspirativni citat.



Sjekla sam višak kartona i skalpelom napravila polukrug oko Poke lopte, tako da se taj dio može zakačiti za stranicu knjige.

## Konačan izgled



San Ci: Kada romanjte, zak i ako snage de se oboliti, u svitci valje kupati bide preplijenjan, ali izvrsno vole kupati uvezivajuog grada, to će vam usmjeriti snagu. Ali vela vojsku duže vreme držite mis uvezenom površtu, ostavite bez dozvile mukidne osnovnik zahtiu.

Grubane snage nose u sebi lot predznak - ako ih koristite dute nego što je trebano, bit će velikih stradanja. Kao Oni koji vole da se bore, u vještu, ne mogu

U Hadžićima, 27. januara 2017. godine, u zgradi srednje škole, u toploj učionici, od 10 sati sa pet učenika volontira Muharema Šabanović. Dva dječaka su učenici osnovne škole koji zaostaju u mentalnom razvoju i dolaze u pratnji majke, a troje su učenici četvrtog razreda srednjih škola. Muharema mi objasni da se dobro snalazi u ovoj grupi djece.

*Srednjoškolcima zadam tihi rad i to povremeno nadgledam, a sa osnovcima razgovaram. Za njih moram pripremiti puno očiglednih sredstava i više puta ponoviti isti zadatak da bi me razumjeli, a kada uspiju da shvate, onda se udube u rad i ja se mogu posvetiti srednjoškolcima.*

Svidje mi se ovaj kombinovani rad pa i sam preuzeх zadatak da održim čas sa ovim učenicima osnovne škole. Po završetku časa dадох par uputa kako Muharemi tako i srednjoškolcima. Pozdravih se pa se uputih ka Vogošći.

U subotu, 28. januara 2017. godine, palim auto koji pokazuje temperaturu minus 13 stepeni Celzijusovih. Krećem za Tomislavgrad gdje su šest studenata zakazali druženje sa 23 učenika osnovnih i srednjih škola, stipendista Fondacije Hastor. Planiram navratiti i u Novi Travnik, u Omladinski centar gdje je volontiranje zakazala Petak Lejla sa 17 učenika, i u Bugojnu ču svratiti u zgradu Gimnazije kod Dautbegović Amne i Muratspahić Tarika koji imaju 38 učenika. Ako sve bude uredno danas bih se mogao sresti sa 9 studenata i 78 učenika, stipendista Fondacije Hastor. Iako gusta magla smanjuje brzinu kretanja stigoh u 8:10 sati u prostorije Omladinskog centra u Novom Travniku gdje me pozdravi Lejla sa učenicima koji su po ovoj hladnoći stigli iz sela udaljenih i po 20 kilometara. Kažu da im je problem doći nedeljom jer ne voze autobusi, pa zamolih Lejlu da ubuduće ne planira druženja nedeljom. Porazgovarah sa učenicima četvrtih razreda srednjih škola o njihovom daljem školovanju. Dадох par uputa pa krenuh ka Bugojnu. Preko Rostova pređoh lako i ako je tu i tamo bilo i poledice (u osojnim mjestima). U Bugojnu u toploj učionici Gimnazije Amna i Tarik mi objasniše šta sad rade i šta će danas uraditi. Opet kraći razgovor sa učenicima o njihovom učenju i planu daljeg školovanja. Svi se slažu da im ovo druženje dobro dode. Jedan učenik reče da mu je draže doći na ova druženja nego i kod kuće i u školi na redovnoj nastavi. Zaključih da su studenti uspostavili dobar odnos sa učenicima pa se pozdravih i uputih ka Tomislavgradu. Tačno u 11:20 sati ulazim u učionicu

u zgradi Strukovne škole u Tomislavgradu gdje zatekoh u vrlo radnoj atmosferi Bagarić Josipu, Bukvić Atifa i Šakelja Anu. Sačekah da dovrše započeti čas pa se onda pridružih zabavnom dijelu druženja. Iz razgovora saznadoh da su se studenti dobro pripremili za ispite na svojim fakultetima, ali i da su učenici sa njima jako zadovoljni. Objasniše mi šta su za danas isplanirali i šta su već uradili. Saznadoh da su danas imali i planinare koji su im pričali o ljepotama života na planinama i o njihovom dogovoru da jednom organizuju zajednički izlet na neku obližnju planinu. Pitam za Sanelu, Ahmeda i Anu. Rekoše mi da su oni otišli kući. Prozivam ih sve troje jedno po jedno i oni mi objašnjavaju svoje razloge. Kako ja te razloge ne uvažavam, uputih ih da se obrate administraciji Fondacije Hastor s napomenom ako se ja sam budem pitao ostali su bez stipendije. Kako je već 13:00 sati, pozdravismo se i krenusmo svako svojim putem, a ja ka Vogošći.

Iz Fojnice me zove Sedin Mračkić i kaže da u školi u Ostružnici imaju loše uslove, mogu li sutra 29.1.2017. volontirati u drugoj zgradi osnovne škole „ Muhsin Rizvić“?

Pitam ga: „Hoće li djeca znati gdje da dođu?“



„Ako mi odobrite, djeca će biti upoznata.“

„Uredu, imate moje odobrenje“, rekoh mu i pomislih da ih obidiem i uvjerim se u istinitost. U jedanaest sati stigoh u toplu učionicu isturenog odjeljenja osnovne škole „ Muhsin Rizvić „ iz Fojnice. Mračkić Sedin, Mehić Mirza i Meša Ensar druže se sa učenicima srednjih i osnovnih škola. Obrađuju temu: „Kako korisno provesti slobodno vrijeme“. Popratih kako to oni rade pa se i sam pridružih. U međuvremenu pitam za Kršić Dalilu. Rekoše mi da je bolesna. Prozivam je i javi mi se od kuće. Kaže da je bolesna. Pitam je što me nije nazvala. Poče da se izvinjava. Uputih je da se pismeno obrati administraciji Fondacije Hastor i prekidoх razgovor. Još malo porazgovarah sa prisutnima pa se uputih dalje. Tokom ovih posjeta iz razgovora sa učenicima četvrtih razreda srednjih škola saznadoh za njihove želje da iduće godine ne upisu fakultet nego da privatno polažu četvrti razred Srednje medicinske škole, kako bi mogli otic u inostranstvo kao medicinari da tamo rade i zarađuju sebi za život. Ovo je još jedan od primjera kako će naša školovana mladost otic u Bosne i Hercegovine.

Ramo Hastor



O  
B  
J  
E  
K  
T  
I  
V





Emina Adilović je svojim predanim radom i dugogodišnjim zalaganjem za Fondaciju Hastor proglašena stipendisticom ovog mjeseca.

Ova djevojka iz grada sa Drine je trenutno studentica pete godine Anglistike na Prevodilačkom smjeru, Univerziteta u Sarajevu. Ona je tip osobe koja voli dinamičnost i avanturističkog je duha, što objašnjava njenu ljubav prema sportu i bilo kojem hobiju koji uključuje neki vid aktivnosti kao što su trčanje, planinarenje, penjanje po stijenama... Pored toga, Emina ističe koliko voli da putuje, a san joj je da ako ne uspije otići na put oko svijeta, bar posjeti svaki kontinent. Svoje slobodno vrijeme također koristi za druženja sa prijateljima, duge šetnje i duge razgovore sa njoj dragim

Ijudima, a bez obzira na brzi tempo života, trudi se da pored stučne literature vrijeme posveti i čitanju knjiga koje spadaju u domenu neobavezne literature.

Stipendistica Fondacije Hastor je od prvog razreda srednje škole. Kroz Fondaciju Hastor je prošla kao mentor mlađim stipendistima, zatim je volontirala kao član administracije dvije godine, a trenutno je član redakcije gdje je zadužena za uređenje biltena i web stranice Fondacije Hastor. Jedan od bitnih segmenata njenog volonterskog rada kao člana redakcije jeste i činjenica da svoja znanja stečena na fakultetu može upotrijebiti u praksi prevodeći tekstove iz različitih oblasti za potrebe Fondacije.

Emina kaže da je za Fondaciju uvijek na raspolaganju jer je upravo to ono što je uzajamno. Oni su tu za nju od samog početka i prate njen rad već devet godina. Također ističe i kako su sve prilike koje su joj pružene tokom ovih godina pomogle da razvije svoju ličnost i stekne ogromno iskustvo u različitim poljima djelovanja. Ono na šta je najviše ponosna, a Fondacija ima veze s tim, jeste mreža ljudi i prijatelja koje je upoznala kroz rad i djelovanje u Fondaciji. Ponosna je na činjenicu da poznaje toliko mladih, pametnih, svestranih i uspješnih ljudi koji su dio fondacije i iskreno vjeruje da su oni ti koji će našu zemlju povesti ka nekom boljem sutra.

Sadžida Kosovac

## RAD MJESECA

Moj život se od malih nogu, pa sve do danas, mnogo promijenio. Iz malog djeteta odrasla je djevojčica koja je isplela svoje planove i ciljeve kojima težim. Za vrijeme svog školovanja postigla sam mnoge uspjehe, zahvaljujući mojim roditeljima, nastavnicima, ali naravno oslanjajući se na vlastite sposobnosti i umijeća. Učenje i trud su mi bolja strana života jer, iskreno, želim uspjeti i postati uspješan lider koji će podučavati ostale ljudе.

Fondacija Hastor mi je pružila mogućnost naprednog učenja, priliku za još bolje obrazovanje, formiranje ličnosti, povećanje radne uspješnosti, brzinu i kvalitet rada te brži i zajednički proces rješavanja problema. Na sastancima mi je veoma lijepo i ugodno. Zajedno sa svojim kolegama rješavam postavljene teze, družimo se, izvršavam obaveze na vrijeme, prezentiram radove i mnogo sam kreativna. Također, Fondacija Hastor me motiviše da budem odgovorna osoba, pouzdana, iskrena i što je najvažnije da naučim pomagati drugima.

Zahvaljujem Vam se mnogo što ste mi pružili mogućnost naprednog, boljeg i kvalitetnijeg rada s ciljem da formirate uspješne lide. Potrudit ću se mnogo da ispunim vaše ciljeve i svoju želju!

Damira Križevac  
OŠ Memići, IX razred  
Kalesija

## FONDACIJA HASTOR

Bulevar Meše Selimovića 16, Sarajevo  
033 774 789  
033 774 823  
fondacija@hastor.ba

## REDAKCIJA

Džulisa Otuzbir  
Sadžida Kosovac  
Hanka Mujkić  
Mirza Okić

Emina Adilović  
Lejla Đonlagić  
Nirvana Žiško

